

**Қазақстан Республикасының жоғары оқу орындарының бәсекеге қабілеттілігін арттыру және оңтайландыру жөнінде кеңес құру және "Қазақстан Республикасының жоғары оқу орындарын оңтайландыру мәселелері бойынша комиссия құру туралы" Қазақстан Республикасы Премьер-Министрінің 2019 жылғы 29 қазандағы № 199-ө өкімінің күші жойылды деп тану туралы**

### *Күшін жойған*

Қазақстан Республикасы Премьер-Министрінің 2020 жылғы 9 шілдедегі № 93-ө өкімі. Күші жойылды - Қазақстан Республикасы Үкіметінің 2022 жылғы 29 сәуірдегі № 268 қаулысымен

**Ескерту. Күші жойылды - ҚР Үкіметінің 29.04.2022 № 268 қаулысымен.**

"Қазақстан Республикасының Үкіметі туралы" 1995 жылғы 18 желтоқсандағы Қазақстан Республикасы Конституциялық заңының 19-бабы 1-тармағының 8) тармақшасына сәйкес:

1. Осы өкімге қосымшаға сәйкес құрамда Қазақстан Республикасының жоғары оқу орындарының бәсекеге қабілеттілігін арттыру және оңтайландыру жөніндегі кеңес (бұдан әрі - Кеңес) құрылсын.

2. Қоса беріліп отырған Кеңес туралы ереже бекітілсін.

3. "Қазақстан Республикасының жоғары оқу орындарын оңтайландыру мәселелері бойынша комиссия құру туралы" Қазақстан Республикасы Премьер-Министрінің 2019 жылғы 29 қазандағы № 199-ө өкімінің күші жойылды деп танылсын.

*Премьер-Министр*

*А. Мамин*

Қазақстан Республикасы  
Премьер-Министрінің  
2020 жылғы 9 шілдедегі  
№ 93-ө өкіміне  
қосымша

**Қазақстан Республикасының жоғары оқу орындарының бәсекеге қабілеттілігін арттыру және оңтайландыру жөніндегі кеңестің құрамы**

Қазақстан Республикасы Премьер-Министрінің орынбасары, төраға;

Қазақстан Республикасының Білім және ғылым министрі, төрағаның орынбасары;

Қазақстан Республикасының Білім және ғылым министрлігі Жоғары және жоғары оқу орнынан кейінгі білім департаментінің директоры, хатшы;

Қазақстан Республикасының Білім және ғылым вице-министрі;

Қазақстан Республикасы Парламенті Сенатының депутаты

(келісу бойынша);

Қазақстан Республикасы Парламенті Мәжілісінің депутаты

(келісу бойынша);

Қазақстан Республикасының Ұлттық экономика вице-министрі;

Қазақстан Республикасының Қаржы вице-министрі;

Қазақстан Республикасының Әділет вице-министрі;

Қазақстан Республикасының Еңбек және халықты әлеуметтік қорғау вице-министрі;

Қазақстан Республикасы Сыбайлас жемқорлыққа қарсы іс-қимыл агенттігі төрағасының бірінші орынбасары

Қазақстан Республикасы Ұлттық ғылым академиясының президенті (келісу бойынша)

"Серпін - 2050" әлеуметтік жобасының республикалық үйлестіру кеңесінің төрағасы (келісу бойынша);

"Атамекен" Қазақстан Республикасы ұлттық кәсіпкерлер палатасы төрағасының орынбасары (келісу бойынша);

Қазақстан Республикасы жоғары оқу орындары қауымдастығының президенті (келісу бойынша);

"Назарбаев Университеті" дербес білім беру ұйымының Жоғары білім беру мектебінің деканы (келісу бойынша);

"Назарбаев Университеті" дербес білім беру ұйымының өкілі, шетелдік сарапшы (келісу бойынша);

Қазақстандық салалық білім және ғылым қызметкерлерінің кәсіптік одағының төрағасы (келісу бойынша);

"Еңбек ресурстарын дамыту орталығы" акционерлік қоғамының президенті (келісу бойынша);

BTS Digital білім беру жобаларының жетекшісі (келісу бойынша);

"Талап" қолданбалы зерттеулер орталығының директоры (келісу бойынша);

Ұлттық биотехнология орталығының бас директоры (келісу бойынша);

"Қазақстанның Азаматтық Альянсы" заңды тұлғалар бірлестігінің президенті (келісу бойынша);

"МИСиС" NUST EDCRUNCH UNIVERSITY орталығының директоры (келісу бойынша);

Қазақстан Республикасы Президенті жанындағы Қазақстан стратегиялық зерттеулер институтының директоры (келісу бойынша).

Қазақстан Республикасы  
Премьер-Министрінің  
2020 жылғы 9 шілдедегі  
№ 93-ө өкімімен  
бекітілген

# **Қазақстан Республикасының жоғары оқу орындарының бәсекеге қабілеттілігін арттыру және оңтайландыру жөніндегі кеңес туралы ереже**

## **1. Жалпы ережелер**

1. Қазақстан Республикасының жоғары оқу орындарының бәсекеге қабілеттілігін арттыру және оңтайландыру жөніндегі кеңес (бұдан әрі - Кеңес) жоғары оқу орындарының бәсекеге қабілеттілігін арттыру жөнінде ұсыныстар мен ұсынымдар әзірлеуді жүзеге асыратын Қазақстан Республикасы Үкіметінің жанындағы консультациялық-кеңесші орган болып табылады.

2. Кеңес өз қызметінде Қазақстан Республикасының Конституциясын, заңдарын, Қазақстан Республикасының Президенті мен Үкіметінің актілерін және өзге де нормативтік құқықтық актілерді, сондай-ақ осы Ережені басшылыққа алады.

3. Қазақстан Республикасының Білім және ғылым министрлігі кеңестің жұмыс органы болып табылады.

4. Кеңестің отырыстары қажеттілігіне қарай өткізіледі.

## **2. Кеңестің міндеттері**

5. Кеңес мынадай міндеттерді жүзеге асырады:

1) Қазақстан Республикасы жоғары оқу орындарының бәсекеге қабілеттілігін арттыру жөнінде ұсыныстар әзірлеу;

2) Қазақстан Республикасының жоғары оқу орындарын оңтайландыру жөнінде ұсыныстар әзірлеу.

## **3. Кеңестің қызметін ұйымдастыру**

6. Кеңестің қызметін ұйымдастыру және оның тәртібі Қазақстан Республикасы Үкіметінің 1999 жылғы 16 наурыздағы № 247 қаулысымен бекітілген Қазақстан Республикасы Үкіметінің жанындағы консультациялық-кеңесші органдар мен жұмыс топтарын құру тәртібі, қызметі мен таратылуы туралы нұсқаулыққа сәйкес жүзеге асырылады.